

Der moechte sich des gesten wol mit eren und mit  
 (schalle)  
 Het er so stolze helde guot uf eren muot  
 Und also balt uf vreche tat sam sint die Stoerren alle

Des hohen starken grossen wundereres kraft  
 Der da von nihte gar geschuof alle die geschafft  
 Und an sich nam werdes menschen bilde  
 Geburt befindunge und den iemer wernden touf  
 Und der sich lie verkoufen fines toufes kouf  
 Des wunder werk sint manigú wunder wilde  
 Der sinem vatter vatter ist her und eben  
 Und an das vrone krúze wart gezwiket  
 Des gotheit ist in ein gewebe  
 Und doh in drilich geflohten und gestriket  
 Des fessel ist der himel dort  
 Und hie dú erde finer fueze schamel  
 Des kunst in zorne wirt gehort  
 Und in dem munde sin ein fürig lamel (winden  
 Der sich in einer reiner megde wammen konde  
 Der selbe laze sich ouch gar der engel schar  
 Mit steter huote bi uns hie und dort an ende vin-  
 (den

Swas hoher fürsten herre hat des rines flus  
 Von tisentis hin abe bis in den swachen dus  
 Der aller helfe ist da niht felderiche  
 Swas ir hat hollant brabant vlandern und kreien  
 Wettelant westerich und lorrey der karste  
 Vriol stire kernd und oesterrich  
 Swas ir in vranken ist erkant  
 Die vroewent mich selten mit ir gaben  
 Sam tuont die helte in peierlant  
 Die bi der etsche und ouch die stolzen swaben

Dúrin